

20101162242

**L I G J**  
**PËR NDRYSHIMIN DHE PLOTËSIMIN E LIGJIT**  
**PËR BIBLIOTEKA**

Neni 1

Në Ligjin për bibliotekat ("Gazeta Zyrtare e Republikës së Maqedonisë" numër 66/2004 dhe 89/2008), neni 52 ndryshohet si vijon:

"(1) Gjoke në shumë prej 500 eurosh në kundërvlerë me denarë do t'i shqiptohet për kundërvajtje personit juridik, nëse:

- 1) nuk kryen revizion të fondit të bibliotekës (neni 22);
- 2) nuk mban regjistër të kopjeve nga të mirat bibliotekare (neni 29 paragrafi (3)) dhe
- 3) publikisht nuk i shpall ditët dhe orët për vizitë dhe nuk përcakton çmime të zvogëluara për llojin e caktuar të vizitoreve, përkatësisht nuk i liron nga pagesa e shërbimeve (neni 27 paragrafët (2) dhe (3)).

(2) Gjoke në shumë prej 300 eurosh në kundërvlerë me denare, do t'i shqiptohet për kundërvajtje nga paragrafi (1) i këtij neni edhe personit përgjegjës në personin juridik."

Neni 2

Pas nenit 52 shtohen tre nene të reja 52-a, 52-b dhe 52-v, si vijojnë:

"Neni 52-a

(1) Gjoke në shumë prej 1 000 deri në 1 500 euro në kundërvlerë me denarë do t'i shqiptohet për kundërvajtje personit juridik, nëse:

- 1) fillon të kryejë veprimtari bibliotekare pa aktvendim se i plotëson kushtet e veçanta për fillim të punës për kryerjen e veprimtarisë (neni 8);
- 2) nuk mban evidencë hyrëse, libër të inventarit, katalog themelor të materialit bibliotekar dhe dokumentacion bibliotekar dhe lloj tjetër të evidencës dhe dokumentacionit (neni 21) dhe
- 3) për një të mirë bibliotekare përpunon më shumë se tri kopje (neni 29 paragrafi (3)).

(2) Gjoke në shumë prej 700 deri në 1 000 euro në kundërvlerë me denarë, do t'i shqiptohet për kundërvajtje nga paragrafi (1) i këtij neni edhe personit përgjegjës në personin juridik.

(3) Për kundërvajtjen nga paragrafi (1) pika 3 e këtij neni, personit juridik mund t'i shqiptohet masë e veçantë për kundërvajtje konfiskimi i sendeve të cilat janë fituar me kryerjen e kundërvajtjes.

Neni 52-b

(1) Nëse gjatë kryerjes së mbikëqyrjes inspektuese, inspektori i kulturës konstaton se është kryer parregullsi e cila në pajtim me këtë ligj është përcaktuar si kundërvajtje nga neni 52 i këtij ligji, inspektori i kulturës është i detyruar që të përpilojë procesverbal në të cilin do ta përcaktojë parregullsinë e kryer me sugjerim për mënjanimin e parregullsive së konstatuar në afatin e caktuar dhe me dorëzimin njekohesisht të ftesës për realizimin e edukimit të personit ose subjektit, ku është konstatuar parregullsia gjatë kryerjes së mbikëqyrjes inspektuese.

(2) Formen dhe përmbajtjen e ftesës për edukim, si dhe menyrën e realizimit të edukimit, i përcakton ministri i Kulturës.

(3) Edukimin e organizon dhe e realizon Ministria e Kulturës, në afat jo më të gjatë se tetë ditë nga dita e kryerjes së mbikëqyrjes inspektuese.

(4) Edukimi mund të realizohet për më shumë parregullsi të konstatuara të njëjta ose të njëllojta për një ose më shumë subjekte.

(5) Nëse në terminin e caktuar personi ose subjekti për të cilin realizohet edukimi nuk paraqitet në edukim, do të konsiderohet se edukimi është realizuar.

(6) Nese personi ose subjekti për të cilin realizohet edukimi paraqitet në edukimin e caktuar dhe e kryen, do të konsiderohet se është edukuar lidhur me parregullsinë e konstatuar.

(7) Nese inspektori i kulturës gjatë kryerjes së mbikëqyrjes kontrolluese konstaton se janë mënjanuar parregullsite e përcaktuara nga paragrafi (1) i këtij neni, miraton konkluzion me të cilin e ndërpret procedurën e mbikëqyrjes inspektuese.

(8) Nese inspektori i kulturës gjatë kryerjes së mbikëqyrjes kontrolluese konstaton se nuk janë mënjanuar parregullsite e përcaktuara nga paragrafi (1) i këtij neni, parashtron kërkesë për ngritjen e procedurës për kundërvajtje para organit kompetent.

(9) Ministria e Kulturës mban evidencë për edukimin e realizuar në mënyrën e përcaktuar nga ministri i Kulturës.

#### Neni 52-v

Ministria e Kulturës për kontrollet e kryera nga ana e inspektoreve të kulturës përgatit raporte tremujore, të cilat publikohen në ueb faqen e Ministrisë së Kulturës për shqyrtim të unifikuar tremujor."

#### Neni 3

Në nenin 52-a i cili bëhet neni 52-g, paragrafi (1) ndryshohet si vijon:

"Për kundërvajtjet e përcaktuara në nenin 52 të këtij ligji, procedurë për kundërvajtje udhëheq dhe sanksion për kundërvajtje shqipton organi i administratës shtetërore kompetent për punët nga sfera e kulturës (në tekstin e mëtejme: Organi për kundërvajtje), ndërsa për kundërvajtjet e përcaktuara në nenin 52-a të këtij ligji, procedurë për kundërvajtje udhëheq dhe sanksion për kundërvajtje shqipton gjykata kompetente."

#### Neni 4

Në nenin 52-b i cili bëhet neni 52-d, në paragrafin 1 pas numrin "52" shtohen fjalët: "dhe 52-a".

Në paragrafin (2) fjalët: "Kur kryerësi i kundërvajtjes pajtohet për ngritjen e procedurës për barazim" shlyhen, kurse fjala "inspektori" zëvendësohet me fjalën "Inspektori".

Në paragrafin (4) fjala "mund" shlyhet.

Paragrafi (5) ndryshohet si vijon:

"Konsiderohet se kryerësi i kundërvajtjes me nënshkrimin e pranimi të urdhërpagesës pajtohet që ta paguajë gjoben."

#### Neni 5

Aktet nënligjore të cilat parashihen me këtë ligj, do të miratohen në afat prej 15 ditësh nga dita e hyrjes në fuqi të këtij ligji.

#### Neni 6

Ky ligj hyn në fuqi në ditën e tetë nga dita e botimit në "Gazeten Zyrtare të Republikës së Maqedonisë".